



ALEN Dž,

31-01-2024

JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-1487-1-12.14./2024

Datum: 26.01.2024.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 13503-1-1/2023 od 24.01.2024. godine, Uprava Društva na 2. sjednici održanoj dana 26.01.2024.godine donijela je

ODLUKU
o izboru najpovoljnijeg ponuđača

I

Ugovor za javnu nabavku roba – dizel gorivo za pogon šinskih vozila, za potrebe Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo, Željeznički operator i Željeznička infrastruktura, u ukupnoj količini od 2.868.000 litara, po provedenom otvorenom postupku javne nabavke (sa dodatnom objavom na engleskom jeziku), dodjeljuje se ponuđaču HIFA-OIL d.o.o. Tešanj, u ukupnom iznosu od 5.350.254,00 KM (bez PDV-a), odnosno 6.259.797,18 KM (sa PDV-om), tender broj: UD-13503-1/2023.

II

Ugovor se dodjeljuje na osnovu člana 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), tj. kriterija ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-13393-1-11.4./2023 od 25.07.2023. godine odobrila pokretanje otvorenog postupka (sa dodatnom objavom na engleskom jeziku) javne nabavke roba – dizel gorivo za pogon šinskih vozila, za potrebe Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo, Željeznički operator i Željeznička infrastruktura, u ukupnoj količini od 2.868.000 litara, tender broj: UD-13503-1/2023.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Objavljeno o nabavci je objavljeno na Portalu javnih nabavki dana 30.08.2023. godine broj: 1050-1-1-215-3-101/23 i Sl. glasniku BiH, broj: 62/2023 od 08.09.2023. godine.

Rješenjem Predsjednika Uprave - Generalnog direktora broj: 1-13809-1/2023 od 01.08.2023. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem sastavu: Alen Džano – predsjedavajući – službenik za JN, Bajra Čaušević – član, Emir Lavić – zamjenik člana, Azra Mekik - član, Faris Čatović – član i Edina Karić – sekretar.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22), Komisija je dana 16.11.2023. godine u 12:00 sati, izvršila javno otvaranje ponuda. Na otvaranju je prisustvovao predstavnik ponuđača JUNUZOVIĆ-KOPEX d.o.o. Lukavac – Mensur Alibašić, uz pismeno ovlaštenje. Do roka određenog za prijem ponuda dostavljeno je 5 ponuda ponuđača i to:

1. Ponuda ponuđača: **HIFA-OIL d.o.o. Tešanj**, koji je ponudio sljedeće:

Cijena: 5.350.254,00 KM (bez PDV-a), odnosno 6.259.797,18 KM (sa PDV-om)

Uslovi i način plaćanja: 90 dana od dana ispostavljanja fakture za isporučenu robu

Rok isporuke: 7 dana od dana ispostavljanja narudžbenice od strane ugovornog organa

2. Ponuda ponuđača: **HIFA-PETROL d.o.o. Sarajevo**, koji je ponudio sljedeće:

Cijena: 6.015.630,00 KM (bez PDV-a), odnosno 7.038.287,10 KM (sa PDV-om)

Uslovi i način plaćanja: 90 dana od dana ispostavljanja fakture za isporučenu robu

Rok isporuke: 7 dana od dana ispostavljanja narudžbenice od strane ugovornog organa

3. Ponuda ponuđača: **JUNUZOVIĆ-KOPEX d.o.o. Lukavac**, koji je ponudio sljedeće:

Cijena: 5.793.360,00 KM (bez PDV-a), odnosno 6.778.231,20 KM (sa PDV-om)

Uslovi i način plaćanja: 90 dana od dana ispostavljanja fakture za isporučenu robu

Rok isporuke: 7 dana od dana ispostavljanja narudžbenice od strane ugovornog organa

4. Ponuda grupe ponuđača: **OPTIMA GRUPA d.o.o. Banja Luka i SUPER PETROL d.o.o. Banja Luka**, koji je ponudio sljedeće:

Cijena: 5.764.680,00 KM (bez PDV-a), odnosno 6.744.675,60 KM (sa PDV-om)

Uslovi i način plaćanja: 90 dana od dana ispostavljanja fakture za isporučenu robu

Rok isporuke: 7 dana od dana ispostavljanja narudžbenice od strane ugovornog organa

5. Ponuda ponuđača: **EOL PETROL d.o.o. Sarajevo**, koji je ponudio sljedeće:

Cijena: 5.397.576,00 KM (bez PDV-a), odnosno 6.315.163,92 KM (sa PDV-om)

Uslovi i način plaćanja: 90 dana od dana ispostavljanja fakture za isporučenu robu

Rok isporuke: 7 dana od dana ispostavljanja narudžbenice od strane ugovornog organa

Komisija je izvršila pregled i ocjenu ponuda, te konstatuje sljedeće:

Ponuda ponuđača: **HIFA-OIL d.o.o. Tešanj** je ocijenjena kao prihvatljiva jer ispunjava sve uvjete iz tenderske dokumentacije.

Ponuda ponuđača: **HIFA-PETROL d.o.o. Sarajevo** je ocijenjena kao prihvatljiva jer ispunjava sve uvjete iz tenderske dokumentacije.

Ponuda ponuđača: **JUNUZOVIĆ-KOPEX d.o.o. Lukavac** je ocijenjena kao neprihvatljiva iz sljedećih razloga:

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

ponuđač je na stranicama ponude od 415. do 426. dostavio Izvještaj o ukupnom rezultatu za period 01.01.2022. - 31.12.2022. godine (Bilans uspjeha) kako je zahtijevano tačkama 13.3 b) i 13.4 b) tenderske dokumentacije. Na predmetnom dokumentu su iskazane finansijske pozicije, između ostalog i pozicija ukupni poslovni prihodi (ukupni prihodi) gdje je navedena vrijenost od 76.401.610,00 KM za 2022. godinu. Nadalje, ponuđač je na 437. strani ponude dostavio Izjavu o ukupnom prometu (poslovnom prihodu) za posljednju finansijsku godinu – 2022., gdje je navedeno da u posljednjoj finansijskoj godini jeste ostvaren ukupni poslovni prihod (ukupni prihod) u iznosi od 71.734.469,00 KM. U skladu sa navedenim vidljivo je da se dva iznosa u potpunosti ne slažu. Naime, na poziciji bilansa uspjeha za ukupni prihod je naveden iznos od 76.401.610,00 KM za 2022. godinu a na izjavi ponuđač navodi iznos od 71.734.469,00 KM. Tenderskom dokumentacijom, tačkom 13.3 c) je propisano sljedeće: "...c) *ukupni promet (poslovni prihod) ponuđača, za posljednju finansijsku godinu (2022.) za koju se raspolaže podacima, gdje kumulativno za navedeni period poslovanja ukupni promet (poslovni prihod) minimalno mora iznositi 6.150.000,00 KM, što mora biti usklađeno sa pozicijom ukupni poslovni prihod iz bilansa uspjeha.*"... i 13.4 c) je propisano sljedeće: "...c) *Izjavu o ukupnom prometu (poslovnom prihodu) ponuđača, za posljednju finansijsku godinu (2022.) za koju se raspolaže podacima, ovjerenu kod nadležnog organa (notar, organ uprave i dr.)...*" U skladu sa navedenim, predmetna izjavljena vrijednost upisana na Izjavi nije usklađena sa pozicijom ukupni poslovni prihod (ukupni prihod) iz bilansa uspjeha.

Ponuda se odbacuje u skladu sa članom 68. stav 4. pod i) Zakona, jer ponuda nije potpuna i ne ispunjava zahtjeve iz tenderske dokumentacije.

Ponuda grupe ponuđača: **OPTIMA GRUPA d.o.o. Banja Luka i SUPER PETROL d.o.o. Banja Luka** je ocijenjena kao neprihvatljiva iz sljedećih razloga:

Grupa ponuđača je u ponudi na stranicama od 25. do 55. dostavila pregled berzanskih kotacija sa berzanskim izvještajima za period od 06.11.2023. godine do 10.11.2023. godine. Ugovorni organ je tenderskom dokumentacijom tačkom 20.02 propisao sljedeće: *"20.2. Ponuđači su dužni u svojoj ponudi dostaviti izvještaje CIF – Mediteran Genova/Lavera, Eurodizel - 10ppm ULSD ili izvještaje sa ekvivalentne Europske berze za dizel gorivo, u US-dolaru, iz sedmice od 09.10.2023. (ponedeljak) - 13.10.2023 (petak). Ponuđači su dužni u svojoj ponudi navesti iznos prosječne berzovne cijene dizel goriva formirane na osnovu izvještaja spomenutog u prethodnoj rečenici, a koji su bili osnova za formiranje njihove ponuđene cijene."* U skladu sa navedenim radi principa jednakosti prema svim ponuđačima isti su bili dužni formirati svoje jedinične cijene prema periodima izvještaja (09.10.2023 - 13.10.2023 godine) koji su gore spomenuti i koji su definirani u dokumentu tenderske dokumentacije. U toku predmetnog postupka zaista se desilo prolongiranje roka za otvaranje ponuda uslijed žalbe na odredbe tenderske dokumentacije od strane ponuđača Nestro Petrol a.d. Banja Luka, koji se može povezati sa članom grupe OPTIMA GRUPA d.o.o. Banja Luka putem identičnog osnivača subjekta upisanog u pravni akt o registraciji pravnih lica. Predmetna žalba je odbačena kao neuredna od strane Ureda za razmatranje žalbi BiH i postupak javne nabavke je nastavljen. Ugovorni organ prilikom nastavljanja postupka nije mijenjao tendersku dokumentaciju, već je samo odredio novi datum otvaranja ponuda. Dakle, tenderska dokumentacija je ostala ista kao i prvobitno kada je objavljena, te su svi ponuđači bili dužni, radi jednakog tretmana prema svima, dostaviti pregled berzanskih kotacija sa berzanskim izvještajima za period kako je definisano tačkom 20.2 tenderske dokumentacije, što grupa ponuđača OPTIMA GRUPA d.o.o. Banja Luka i SUPER PETROL d.o.o. Banja Luka nisu učinili. U skladu sa navedenim ponuda grupe ponuđača OPTIMA GRUPA d.o.o. Banja Luka i SUPER PETROL d.o.o. Banja Luka ne ispunjava kvalifikacione uvjete definirane tenderskom dokumentacijom.

Grupa ponuđača je u ponudi na stranicama od 57. do 68. dostavila pregled i izvještaje srednjeg kursa Centralne Banke BiH za period od 04.11.2023. godine do 10.11.2023. godine. Ugovorni organ je tenderskom dokumentacijom tačkom 20.02 propisao sljedeće: *"20.2. Ponuđači su dužni u svojoj ponudi dostaviti izvještaj kursa USD/KM Centralne banke Bosne i Hercegovine (ili ekvivalentne banke iz zemlje iz koje ponuđač dolazi)*

period 09.10.2023. (ponedeljak) - 13.10.2023 (petak). Ponuđači su dužni u svojoj ponudi navesti prosiječnu vrijednost srednjeg kursa USD/KM formiranu na osnovu izvještaja spomenutog u prethodnoj rečenici, a koji su bili osnova za formiranje njihove ponuđene cijene. Naprijed tražene vrijednosti činit će osnovu temeljem čega se mogu kontrolisati sve buduće promjene cijena. Ukoliko se ne može dobiti kursna lista USD/KM Centralne banke Bosne i Hercegovine (ili ekvivalentne banke iz zemlje iz koje ponuđač dolazi) za ponedjeljak 09.10.2023. godine, onda ponuđač mora dostaviti važeću kursnu listu od dana prije, što je u ovom slučaju subota 07.10.2023. godine." U skladu sa navedenim radi principa jednakosti prema svim ponuđačima isti su bili dužni formirati svoje jedinične cijene prema periodima izvještaja (07.10.2023 i/ili 09.10.2023. - 13.10.2023. godine) koji su gore spomenuti i koji su definirani u dokumentu tendrske dokumentacije. U toku predmetnog postupka zaista se desilo prolongiranje roka za otvaranje ponuda usljed žalbe na odredbe tenderske dokumentacije od strane ponuđača Nestro Petrol a.d. Banja Luka koji se može povezati sa članom grupe Optima grupa d.o.o. Banja Luka putem identičnog osnivača subjekta upisanog u pravni akt o registraciji pravnih lica. Predmetna žalba je odbačena kao neuredna od strane Ureda za razmatranje žalbi BiH i postupak javne nabavke je nastavljen. Ugovorni organ prilikom nastavljanja postupka nije mjenjao tendersku dokumentaciju već je samo odredio novi datum otvaranja ponuda. Dakle tenderska dokumentacija je ostala ista kao i prvobitno kada je objavljena te su svi ponuđači bili dužni, radi jednakog tretmana prema svima, dostaviti pregled kursnih kotacija USD/KM Centralne banke Bosne i Hercegovine (ili ekvivalentne banke iz zemlje iz koje ponuđač dolazi) za period kako je definisano tačkom 20.2 tenderske dokumentacije što grupa ponuđača OPTIMA GRUPA d.o.o. Banja Luka i SUPER PETROL d.o.o. Banja Luka nisu učinili.

Grupa ponuđača je na strani ponude 8. dostavila pismo ponude na kojem nije navedeno "Mjesto isporuke predmeta nabavke" kao što je zahtijevano tačkom 15.11 tenderske dokumentacije koja glasi: *"15.11. Ponuđač u ponudi mora dostaviti pismo ponude na memorandumu sa naznačenim nazivom i tačnom adresom ponuđača, identifikacionim brojem, predmetom ponude, rokom isporuke robe, uslovom i načinom plaćanja, jediničnom i ukupnom cijenom, naznačenim obavezujućim paritetom i mjestom isporuke predmeta nabavke u skladu sa ovom tenderskom dokumentacijom, potpisanim i ovjerenom od strane ovlaštenog lica ponuđača."* U skladu sa navedenim uvidom u gore spomenuti dostavljeni akt grupe ponuđača jasno je vidljivo da isti nema odredbu mjesta isporuke predmeta nabavke dok sve ostale zahtijevane odredbe sadrži.

Grupa ponuđača je na 391. strani ponude dostavila izjavu kojom potvrđuje ponuđeni garantni rok predmeta nabavke, međutim grupa ponuđača nije garantni rok predmeta nabavke iskazala kako je propisano tačkom 34.1 tenderske dokumentacije. Grupa ponuđača je predmetnom izjavom iskazala garantni rok predmeta nabavke samo za vrijeme trajanja ugovora što nije u skladu sa tačkom 34.1 tenderske dokumentacije koja glasi: *"... - Garantni rok za predmet nabavke mora biti iskazan od momenta isporuke predmeta nabavke;..."* Ugovorni organ je propisao da garantni rok predmeta nabavke u ponudi mora biti iskazan od dana isporuke predmetnih roba, što je Ugovorni organ i naveo na više mjesta u tenderskoj dokumentaciji. U skladu sa navedenim, grupa ponuđača bila je dužna iskazati garantni rok predmeta nabavke od dana isporuke predmetnih roba, a ne kako je iskazan isti samo za vrijeme trajanja ugovora. Ugovorni organ također napominje da je grupa ponuđača na 389 strani ponude dostavila izjavu – garanciju na isporučene robe na kojoj nije naveden garantni rok, ali na istoj jeste prepisana odredba da se rok mora prema ovoj tenderskoj dokumentaciji iskazati od momenta isporuke predmeta nabavke, što grupa ponuđača u svojoj ponudi niti na jedan način nije uradila.

Ponuda se odbacuje u skladu sa članom 68. stav 4. pod i) Zakona, jer ponuda nije potpuna i ne ispunjava zahtjeve iz tenderske dokumentacije.

Ponuda ponuđača **EOL PETROL d.o.o. Sarajevo** je ocijenjena kao neprihvatljiva iz sljedećih razloga:

Ponuđač je na stranama ponude od 27. do 31. dostavio Izvještaj o ukupnom rezultatu za period 01.01. 2022. - 31.12.2022. godine (Bilans uspjeha) kako je zahtijevano tačkama 13.3 b) i 13.4 b) tenderske dokumentacije. Na

predmetnom dokumentu su iskazane finansijske pozicije, između ostalog i pozicija ukupni poslovni prihodi (ukupni prihodi) gdje je navedena vrijenost od 113.783.674,00 KM za 2022 godinu. Nadalje, ponuđač je na stani ponude 32. dostavio Izjavu o ukupnom prometu (poslovnom prihodu) za posljednju finansijsku godinu – 2022., gdje je navedeno da u posljednjoj finansijskoj godini jeste ostvaren ukupni poslovni prihod (ukupni prihod) u iznosi od 111.783.674,00 KM. U skladu sa navedenim vidljivo je da se dva iznosa u potpunosti ne slažu. Naime, na poziciji bilansa uspjeha za ukupni prihod je naveden iznos od 113.783.674,00 KM za 2022. godinu, a na izjavi ponuđač navodi iznos od 111.783.674,00 KM. Tenderskom dokumentacijom, tačkom 13.3 c) je propisano sljedeće: "... c) ukupni promet (poslovni prihod) ponuđača, za posljednju finansijsku godinu (2022.) za koju se raspolaže podacima, gdje kumulativno za navedeni period poslovanja ukupni promet (poslovni prihod) minimalno mora iznositi 6.150.000,00 KM, što mora biti usklađeno sa pozicijom ukupni poslovni prihod iz bilansa uspjeha. "... i takođe tačkom 13.4 c) je propisano sljedeće: "... c) Izjavu o ukupnom prometu (poslovnom prihodu) ponuđača, za posljednju finansijsku godinu (2022.) za koju se raspolaže podacima, ovjerenu kod nadležnog organa (notar, organ uprave i dr.) "... U skladu sa navedenim, predmetna izjavljena vrijednost upisana na Izjavi nije usklađena sa pozicijom ukupni poslovni prihod (ukupni prihod) iz bilansa uspjeha.

Ponuda se odbacuje u skladu sa članom 68. stav 4. pod i) Zakona, jer ponuda nije potpuna i ne ispunjava zahtjeve iz tenderske dokumentacije.

Na osnovu navedenog, Komisija je utvrdila da su ispunjeni zakonski uslovi za nastavak postupka nabavke i zaključenje ugovora, te je u skladu sa članom 19. stav 1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine, dala p r e p o r u k u Upravi Društva za donošenje Odluke o izboru najpovoljnijeg ponuđača kojom ugovor za javnu nabavku roba – dizel gorivo za pogon šinskih vozila, za potrebe Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo, Željeznički operator i Željeznička infrastruktura, u ukupnoj količini od 2.868.000 litara, tender broj: UD-13503-1/2023, dodjeljuje ponuđaču: **HIFA-OIL d.o.o. Tešanj** u ukupnom iznosu od 5.350.254,00 KM (bez PDV-a), odnosno 6.259.797,18 KM (sa PDV-om), na osnovu člana 64. stav (1) pod a) Zakona o javnim nabavkama, odnosno kriterija ekonomski najpovoljnije ponude, a što je vidljivo iz bodovne liste.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznički operator,
- Željeznička infrastruktura,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđačima/x5,
- Uz Zapisnik,
- a/a.



VP Predsjednika Uprave – Generalnog direktora

Entis Džanić, mr. ecc.